

集部

欽定四庫全書 非那

詳校官中書臣張虎拜

侍讀臣孫球覆勘 腾腾腾 銀銀銀 選選選 生生生 臣臣

**俞程章** 光璋传

次七四重全事 A TOTAL OF THE PARTY OF THE PAR 面决乃已一言之失當 (難中位而處真 雜然前陳此可 撰

金ケセノン 之尊以益乎上有禄吏之衆以待乎下其視上也以位 敢以為功凡善上歸之凡過已歸之其視下也以勢則 從不敢以遠違有當行馬不敢以不言言之而有成不 也然位近而勢分得以抗馬若夫參佐之難也有官長 長之難也然事專而名正得以肆馬有隨而後行待倡 則甚懸以分則甚嚴有過舉馬不敢以不諍諍之而弗 也而或謂之緩勞而不可辭為而無所成此為貳之難 而後和言馬或将馬點馬或訾馬前也而或謂之替後

次定四車全書 之以敬然後可以事上必有過人之才而濟之以容然 嚴必謹晨而入抵夜而退在死馬惴惴馬惟恐其失也 後可以服下必有辯折之明而濟之以勤敏然後可以 而至於大官者比比而出何哉盖必有盡已之忠而濟 之至於案牘之至繁以舉會計之至密以詳期會之至 急之則薛而忿緩之則她而縱過則東分之責則已歸 所謂肆與抗者咸無馬吁其難也如是乎然由此以進 相成以事則相須其威不足以相壓其分不足以相 中庵集 固

書此以勉之以為君他日所至之候元貞元年臘月日 著矣苟不已其能進而至於大官也盖無疑因其代歸 舉案贖詳會計謹期會無爽失忠而能敬才而能容明 無問言其於忠而能敬才而能容明而勤且敏既效而 冠氏杜孝婦知事居濟南總府幕三年職業大舉上下 金 好口 五二十 而勤且敏將無往而不可則其進而至於大官也宜哉 送吳德讓赴河南案牘序尽十有二月既望

若是者務乎內者也於其所謂外者為何如哉義有不 者乎得志名尊身顯而不驕不得志窮居約處而不憫 務乎外遺乎內衆人也務乎內不滯於外君子也內馬 在彼之欲也凡所以放乎利者皆外也觀其所務則可 者義在我之善也凡所以合乎義者皆內也外馬者利 以管庫之勞而必盡禮之以東脩之畧而必答况其大 金之既必却而弗受况其小者乎義之所在也雖役之 知其人矣義有不可也雖以三公之貴必去而弗處萬

次足里車全書 图

中庵集

原吳君德讓始為山東轉運案贖死死唯謹而已視不 謂內者為何如哉故曰觀其所務則可以知其人矣東 乎利之所在也雖冒險危决死生而必爭觸刑群犯倫 得志沮縮乞憐戚馬以悲若是者務乎外者也於其所 可留乃引身而退品品無吝容居思下五年無顏石 可也雖斗升之禄弗忍辭毫毛之得弗忍含况其大者 門讀古書怡然不憂今有司以例調河間其職猶轉 而必取况其小者乎得志驕淫攫遊肆馬而不恥 儲

金牙巴万人

**晚定四車全書** 運也則於而自足子以是觀之然後知吳君信可謂務 琴聲籍籍也余後歸恐下而廣平霍君清臣提刑山東 子之所務者而勿失馬斯可已又奚以子言為哉 余謂惜不得申君見也又十年申君來為陽丘過濟南 始余官京師識太常協律申君仲和甫善鼓琴尤善新 乎內不滞乎外者也將行以言為請予告之曰子能保 枯桐琴材遺余且曰是得之江南其人云三百年矣 陽丘尹申君餞行序 中庵集

也乃離二琴使余誌其一成而界余余請終之遂鼓之 斯技其至者也余因有感馬琴之用一也而舜以理 君竦然曰無木聲矣不三百年不至是余乃知申君於 而余適在馬喜曰枯桐乃遇乎即以委君君曰嘻異材 所以修身理性而反乎其真也故其用高而難遵微 灾子賤以理邑伯牙則絕絃孫公和一絃而陶潜無 難知難遵則求者寡難知則聽者怠兹非所以顯於 胡顯晦不侔若此耶余聞聖人之制琴也以寓道也

多りせんとう

**决定四車全售** 古而晦於後愈降而愈晦敷嗚呼琴之晦久矣知琴者 去乎故終日斷之而終日鼓之者吾以存道耳求而聽 之在其人吞暇知乎哉以此觀之則伯牙孫公和陶潜 之餼羊而孔子非之况於聖人之制以寓道者獨可以 有以得之矣羯存則道存器亡則道息子貢欲去告朔 不足以取乎亦見申君之勞且費也雖然君之志余固 日鼓之而不知止也聽之者誰乎伯牙孫公和陶潜皆 加少矣而申君終日斷之而不知倦也求之者誰乎終 中庵集

道者也忘已而為道者幾人哉君之為邑簡而静平而 友人王伯儀赴平江推官余惟古有贈言之義静而思 恕善而不伐忘已而為道也符乎琴矣余懼如琴之晦 而不楊也於其歸書所感以送之庶其有知者馬元貞 可為而不為為已者也申君不可為而為之忘已而為 之伯儀向為中書掾平章事卜公聰山何公左轄醉經 二年八月既望序丙申歲也 送王伯儀之官平江序

次定四車全書 四 情觀之宜其有遠適之感有遐遺之嗟有後時之慮矣 貸就護稚弱犯隆寒涉修遊凌騰波須再月乃至自常 失司乎天者也君子不以司於天者而易其司於已者 志古者也余固知之盖行為操守司乎人者也窮達得 顧乃舒徐怡偷無有幾微見於群色是獨何耶嘻伯儀 杜公一見器之皆虚已延接優選要津日月可其乃力 必入入以顯裏行曹郎殆未足也而乃有是行且復營 以便親求外補于沂于青聲聞益著士論翕然謂君且 中庵集

儀之志也無庸言也則獨語之口平江泰伯之所封也 哉惟刑之恤哉吾知重吾職而已吾得吾職則吾之 治事之隙構朋僚登高望遠永歌男古以豁其平生英 雖乗田委吏之賤盡其道衆人謂之欲而君子謂之顏 足矣而彼之所謂顯者天則實司之吾何與乎哉斯伯 况推之為職獨專刑名古之所重者也舜典曰欽哉欽 延陵之祠范公之田在馬三江五湖之勝實萃於是君 故三槐九棘之贵違其道衆人謂之祭而君子謂之辱

**於定四車全書** 矣以生徒民編也控攝之震懼之人匿跡而遁矣興學 以明人倫本風俗作人材也有司之責重矣乎而為有 為贈至大已酉良月既望中庵劉其序 子長與君頡頏争先著鞭一 特剛大之氣亦一快也吾老矣恨不能事遠遊如司馬 司者乃或以學官吾制也窘束之簡忽之士納履而去 聖天子下綸言未始不以與學校為有司之先務學所 送王學録序 ij. 中庵集 一躍伯儀曰壯哉語乃序以

講授肄習鍛錬而淬礪之必至馬乃已而人倫之極風 深文藝之宏遠天地之變化古今之得失旦夕弱生徒 與有司與學官相須而成者也事甚易而緊甚大位益 教之致人材之用舉在其中與學之青塞矣嗚呼學之 興學何難哉斯有司之責也學官之責奈何載籍之闊 而人知慕之矣嚮學者日以多夫師之道尊獨學者多 知敬之矣師之道日以尊生徒鄉秀也必吾撫之優之 如哉盍亦思之曰學官師席也必吾禮之下之而

赴濟南學録別余繡江智甫雅從余将能多而才贍學 博而文勝舉鶴送之曰濟南司憲所益大府之治獎士 欠已日日上 前集賢侍讀學士太原李君士弘倜項由臨江總管還 勉馬延祐丁已良月中庵野東序 與學售矣由是以進而至于遠大也盖無疑雖然尚加 興學一道於式子往而任子之責猶川流之赴壑也能 下而責彌重則凡任是責者可無懼乎東皐王君智甫 李中和犀浦遐觀圖序 中庵集

金岁也是了 續悠然喜之曰此老杜所謂南京犀浦道者也即買 中和公像也昔公守成都當經犀浦左顧錦官右瞻雪 精爽之耿然者當不忘于犀浦也個今為是圖將求名 中亦時或獨往徜徉眺覽嘯咏終日而竟卒于蜀意其 為別墅極沼石能卉林叢之勝時從賓僚載酒酣暢其 卿大夫士一言以賛之所以明既往之志申罔極之報 而寓無涯之悲也子能為我叙其所以然乎予以士弘 圖示予題口犀浦遐觀則泣而言曰此先人 卷九 H

於易蚤以貴遊從行省都公馳秦蜀間當世祖龍飛之 夫何難乃以遺訓付諸子命倜讀大學中庸數過夷然 課大使改成都防城總管知軍民事以卒其在職有轉 Ca. Time Like 而近年四十有八矣有里人自太原之成都遇公羅江 初扈從開平辟四川行省員外郎遷東川順慶等路宣 親友別衆口公神明若此何得爾耶答曰生死常事耳 輸制勝之勞濟眾干城之功蜀人思之初其疾也還名 久要之故竊當獲知公之為人英果尚氣節博學尤長 中庵集

氣當有為之時觀其所立宜視功名為不足取者然其 此常觀自古英傑磊落之士鮮不以功名自意及夫中 縣北驅馬甚逐進拜問所往公曰赴北且寄蜀家事縷 對境遣懷託物遺累方期與造物者遊而寄迹於恒人 縷既至語其家知遇公乃卒日也凡公之始終大畧如 小子不可窺測之境如羊祐之于岘山庾公之于南樓 年晚節感慨興馬惜歲月之不居悼素心之或違往往 王右軍之于會稽蘭亭其風流可想也而公以邁往之

火之四草 白馬 初揚丘李景順之父殁于南征也景順暨其女第皆幼 德辛五二月朔序 盖不可証又安知果不有復遇之犀浦者乎則士弘之 孝思益足悲矣公在成都所居有中和堂因自號云大 利得失於古人何如也嗚呼公真英傑也哉羅江之遇 委形之際慷慨舒徐如去郵傳無一毫戀惜此其視荣 在犀浦也若將舉 節婦鄒氏詩序 世而忘之况天不假年奄及傾隕 中库集

士娶婦有三男而孫復二男矣益久里中敬異之則曰 禮其撫遺孤也女則適良族能婦道男則業詩書為佳 其役在其門間所旌凡八字西皐趙公為作大書刻之 此詔條所謂節婦也乃相與明于官以聞于朝有命優 之異故其事舅姑也生而盡奉養之敬殁而得丧葬之 也乃俛然服艱屯甘寒苦勤的黾勉四十年確馬無始終 已矣吾無生矣惟是四老親二弱息其馬託天實命我 其曾祖祖父母皆具老而貧實尤甚母鄒呼天曰吾夫

金灰巴尼台電

次定四軍全書 歸夫殁則稱未亡人所以體柔貞而配剛健成天地之 子有父子然後有君臣有君臣然後有上下有上下然 取 也然乾剛而主乎健坤柔而利乎貞故男觀百行而女 後禮義有所錯則知男女乾坤之配而夫婦人倫之始 曰乾道成男坤道成女然後有夫婦有夫婦然後有父 頌其美且請序於余余亦喜聞而為之一言易之大傳 節是以易著一 榮馬於是士夫之當與景順遊者皆樂為歌詩以 一終之吉禮無再醮之義始嫁則稱 中庵集

成其聖善之美可謂顏波之底柱流俗之標準也然則 戊戌九月既望劉某敬書 表異之歌詠之所謂褒顯而揄揚者又可後乎哉大德 順之母由其一念之誠使天地之義明人倫之本立卒 化正人倫之始也嘻夫婦之義重矣哉及夫王澤竭而 之賢子孝孫森列淌前李氏隱然為大家而安榮壽考 風俗壞至有七子之母猶不能安其室而凱風之詩至 **今哀之嗚呼世降久矣能不蹈凱風之哀者寡矣而景** 

音餘韻也逮宋而大盛其最擅名者東坡蘇氏辛稼軒 聲本於言言本於性情吟詠性情莫若詩是以詩三百 烫定四草全野 團 浩希孟使江南往返催半歲得樂府百有餘首輯為 次之近世元遺山又次之三家體裁各殊然並傳而不 皆被之弦歌公嚴思久而樂府之製出馬則又詩之遺 始不同也至於有得惟能者能之禮部侍郎濟南張養 相悖殆猶四時之氣律不同而其元化之所以斡旋未 江湖長短句引 中庵集

金罗巴西人 能干品萬壑競秀争流之狀與夫點放之情觀遊之與 懷賢吊古之感隱然動人視其風致盖出入於三家之 得神會横縱卷舒莫可端倪其三湘五湖晴陰明晦之 編目之曰江湖長短句歸以示余余讀之藻麗施奸意 必待名章鉅筆有以盡其真而後播于遠然則是編之 必待山川之勝有以激於中而後肆於外山川之勝亦 間 固非偶然矣其永於傳盖無疑 可謂能也昔太史遷南游而文益奇故知宏才博學

世有通患而不得免者曰過曰疾二者而已唯至於聖 集驗方序

見則是過猶可免而疾必不可免也古之聖人知其然 乃能無過至於仙乃能無疾然聖人時有而仙人未之

RAJOIDE ARMID 類制宜綜為係買而方書作矣方書作而疾然後可為 醫約生矣後之智者因其樂性之不齊疾狀之各異引 也然則方書其可忽哉後衛親軍千戶濟南劉侯某告 也因金石草木蟲魚鳥獸之性皆可以已疾取用之而 中庵集 圭

銀好四月全書 子曰我生多疾然亦有幸得官京邑京邑人物所集遇 許商老人今齊東尹孟君仲賢父也大德間仲賢掾 樂為之書至元癸已秋九月下旬四日郡人某題 廣其傳盡為序引嗚呼侯之心仁矣哉因己而利人 治魔為十九門目之曰劉氏集驗方今將繕寫銀木以 累試驗者必求而録之日增歲積以成巨編近考其所 名醫異人衆矣遇必告其所苦以叩其所至有良秘法 許商老人九十賀序

余為之嘆曰子路負米養親恨不仕早歐陽詹違親官 省旁貧劇妻子弱未明起躬爨具老人膳乃入省何事 甘肯有五孫猶蘭芽瑜珥在側共含的之樂優優然矣 朝思歸仲賢請補便侍主者執資格云云請益切宰相 書余時以集賢學士商議中書省事知仲賢有英才居 居盖里閉耳後余歸繡江知仲賢榮養公字悉慮稍奉 許馬日孝子也特署尹長山遷齊東二邑距許商老之 除通出復具膳已復入以為常於是老人已八十矣

次定四車 全

中庵集

当

聽不衰仲賢將舉壽觴念無以悦其心冀得諸名人 哉老人之賢乎今老人行年九十膳飯猶無人言動視 知未始一 開諭莫不叩首悔伏感泣誰謝去故聲益大老人日 ヨショ 京師僅稱養志備矣哉仲賢之孝乎又知仲賢為邑蔗 又數曰傷不疑母喜多平反陳萬年至教子以語遠矣 之訟者曰以公聽斷如神明故來願一决仲賢徐以 紀公能民樂事舉治行出一道右雖他縣民皆就訟群 假容有譽子之言顧常以不逮弱勵甚嚴余 聞

ï

欠足の見い時 適居集賢幕則相見歡甚安卿一日言曰大人居渤海 樂道庸能已乎 大德丙午春敏中不恩命承乏集賢而友人解君安卿 岩為子有父如老人為父有子如仲賢賢孝壽榮康殭 行年八十而壽旦在通私念無有以質將謁歌詩於諸 逢吉世豈多有邪世不多有善之善者也然則君子之 詩為獻屬余始其事姑述余知者夫君子樂道人之善 渤海解先生八十賀詩序 中庵集

尊且贵者也三可賀先生二子皆教以義方其長為安卿 朝紳歸以為獻願子為序引敏中不可辭應而序之盖 金灰口匠石量 子稱鄉黨莫如齒謂之達尊先生之齒與德皆當為人所 先生之可賀有五洪範五福一曰壽謂必壽則他福乃 生為仁而毒者也二可賀禮記有虞氏貴德而尚齒孟 樂施子荒歲活饑乏到廪折券弗顧猶土芥然人以先 可有故毒為難先生有既耄之年神不少衰有五福矣 一可賀先生嗜古書以道自晦居家以勤儉致饒而尤

時先生登期頭上毒之慶吾知安郊之所以為賀者復不 雍孫息蕃衍先生得以逍遥無為享者年素封之樂四 膺起家之任於外次為利卿荷克家之責於內置門肅 為間里羡慕五可賀安卿持是五者以奉戲終有觞之歡 又能以養親之孝為報國之忠忠孝交子福禄方增異 所與交皆一時名流故能得其清童麗句以揄揚親美 可賀安鄉佩服嚴訓始出為良吏入朝思清華為佳士 可乎不可乎噫親壽康而子孝養人道之威者也安卿

欠足可重公告

中庵集

ナ

金牙口月台 藥獨威去歲東機者一帶作二花重跗累善駢然傑 韓右司雲柳築亭所居後圃前為兩檻實以東卉而紅 者為之耶豈草木亦自能變化而為是夸耶其皆無所 止於五者而已也是歲四月既望敬叙 世駭俗那豈善幻者能移奪造化如昔之韓湘殷道人 而然耶豈造物者私於一物苟為是奇形異狀使之驚 西檻今歲復然而半艷尤絕君請余誌之嘻異哉何為 瑞樂序 出

草木為自夸耶而草木無知謂其幻耶君正人也而何 欠ビリーという 之木為两岐之麥為同顏之禾今是藥同物也清淑之 也為極為楠為梓為粉為百穀為異卉有餘則為連理 為智為懿德為多能有餘則為大賢為奇才其於草木 謂直偶然而然也謂偶然那胡不於他卉而必於是謂 物之生天地之一氣耳而氣有清有濁有冷有淑有餘 有不足物之生也適相遭馬故清淑之氣在人則為明 幻謂造物者之私耶而造物無私然則何為而然哉萬 3 中虚集

氣有餘鬱然而發之耳雖然物固有相感者而豈徒哉 金灰口匠人 大賢奇才先後頡頏為聖朝承平之瑞其後在是矣然 君方以多能懿徳措之事業其体聲偉烈日新固且與 他日别書之大徳四年庚子夏月劉甚誌 則天地清淑有餘之氣不獨於草木而已也吾當為君 庵集卷九

**飲定四車全書** 存亡廢與又有幸不幸者存乎其間兵荒水火之不虞 也故古者士夫之家莫不有譜及其世數之久而譜之 是有氏族之學馬所以明系統表疏戚殊貴賤别同異 傳曰萬物本乎天人本乎祖又曰君子以類族辨物 欽定四庫全書 中庵集卷十 題跋 題趙氏族譜後 中庭集 劉敏中 撰

逐矣言氏族者益罕矣得見如趙氏者其可敬也夫劉 達若是子弟文秀繼出譜之傳蓋未艾也嗚呼去古盆 克敬中山君而上紀十有三代之遠歷三百餘年之久 頼於子孫之多賢而世濟也何其幸哉而中山君方特 既以無虞於兵荒水火之變而其實藏而嗣修者實有 祖禰而上不可知支屬之别無所考者往往而是斯其 子孫賢否之不常或燼墜而莫追或廢絕而弗續至有 不幸也可勝嘆哉今觀趙氏之譜自太師衛國公而下

## 某題

## 德丙午為安丘簿以仲春三日 具三獻禮祀其先考於 友人王平江伯儀歸自費言費尹傅君嚴卿有孝行士 題費尹傅嚴卿孝感詩卷

次定四車在雪 网

中庫集

子可無一言於此乎嗚呼天人之相通父矣善惡各以

者咸以為孝感之應播之歌詩乃以歌詩示余且日吾

將事之際雨處止俄而星漢爛然禮竟以成士夫聞之

寢方設雨大至執事者皆憂惶嚴卿獨盛服拱立以竢

類至昭昭也故君子畏天或曰天之道遂善惡之來成 常也偶然者變也其常可知也其變不可知也不以不 其偶然耳故小人不知畏天畏天者日以善感而善亦 可知者誣其可知者惟君子為然是故君子務盡其在 亦有時乎免於惡而發善是之謂偶然者也以類至者 已者不計其在天者以是言之則傅君孝感之所在為 恒應之不知畏天者日以惡感而惡亦恒應之是之謂 以類至者也然而善亦有時乎不遇善而得惡不善者

授伯儀以遺傳君馬至大已酉重陽中庵劉某書於繡 欽定四庫全書 開 慶矣壽而康寧矣而或昆季相戾而且貧賤則養不足 十者稀洪範以康寧為五福故壽而康寧者亦恒難具 也愛無盡而天不可期故具慶者恒難古人言人生七 任君子善示余三樂堂記徵余言惟人子愛親之心 江野亭 可知也已播之歌詩宜矣吾且可以無言乎哉乃書以 書任氏三樂堂記後 中庵集

然三樂備矣其以命堂也宜哉傳云積善之家必有餘 得故養慶莫如善任君其以君之昆李孝友傳之君之 慶夫世之所難者一旦而備馬兹非餘慶乎嘻慶以善 其一而乏其二盖比比馬吁其難哉今使去其所難而 故得養者又恒難於此三者或足其二而闕其一或有 子姓若孫俾世守之以益其善則所謂慶且樂者當無 神明不少衰昆季四人名官俱達承顏養志孝友優優 三者將然皆備樂乎不樂乎君之父母皆年垂九十而

時而已也

書邵知事錢行詩卷後

濟南郡治之東百里繡江之湄余别墅在馬大德甲辰

余有西臺之命而病不果行屏居繡江漠然與世隔獨 聞郡幕有知事邵君文卿者聲籍籍然乙已既臘余被 召過濟南見邵君坦夷温郁而意甚謹余留一宿而北

钦定四車全書 款曲未暇也今年邵君赴調京師以其大尹東平**勢山** 王公食憲廣平趙子温所贈序引詩什見示徵余言余 中庵集

臺為執法執法無妄與二公皆謂君練事強力勤恪清 慎贊佐有成則余之聞於繡江者為可驗矣二公之言 謂邵君勢山曩居內翰兼史職史筆無妄書子温簽外 礪其已能而謹其未試以無員二公之知者在吾子加 化由今而後有不可量者雖然保其既往而还其方來 力余復奚言哉丙午十一月既望書 可以信後世况吾人乎况有司乎吾見吾子之通達變 題金監司餞行卷後

飲定四車全書 · · · 之變而民生復完輟歸莖之議而王事是急去之日民 為政之大者曰獄平而瑞雪降學勸而習俗革安地震 公坦然温郁綽有餘裕而其詳密慎静有不可及者其 其舊識也一日持平陽士民餞公篇什邀余題余得其 歸諸是而已余竊嘆曰偉人也哉集賢司直劉君仲傑 論事該而不繁簡而能周無害畏無名偉援本窮末必 公通議入恭議中書時余方承乏集賢預議事之列見 大德丙午之春朝廷更化點姦登賢於是平陽監郡金 中庵集

幸也然則清風過歸之誦慶有日矣遂書於平陽卷末 有先吾意天之所以任公者不獨為江西幸將為天下 幸矣江西之人哉乃告仲傑曰夫升高必自下有開必 内外乃祭知政事行省江西而江西方以饑告余又嘆 復嘆曰中書之議本乎此哉會聖天子龍飛繼極整筋 因為公贈丁未十月日題 無遠近旌倪攀留號呼嗟泣先後不絕如去慈父母余 曰公之此行其必闡中書之議擴平陽之政而活其人

甚恐已而聞吾已陽丘令李君惟肅梁鄒令完顏君澤 次足四軍在書 爾 **哈乐舊知而杜君則未之識也一日杜君介其客張自** 户庭蹊隊出入之不同而其大歸皆以廉勤勵已以忠 去年春余歸自京師居繡江之野屬歲饑民間蕭然余 利濟眾耳余私喜曰夫若是民有賴矣奚恐其四人者 川凡五縣令境相接相軋而譽相埒也察其為治雖其 卿長山令孟君仲賢淄川令田君真卿齊東令杜君濟 題杜東皐榆次詩卷後 中庵集

行矣可以進大官可以自立可以成名後世不朽雖然 告之古者君子之仕也曰吾以行吾志也官資之崇庫 偉哉東鼻之譽盖不可誣余足以識杜君矣因以一言 禄康之厚薄吾庸知乎哉吾知吾所職而已是以官修 榆次有惠政民爱之不忘形於篇什乃以示余余曰嘻 之所謂悃愠無華者為加禮馬君去直卿言吾令前為 而志行名立而身顯君今為東臯猶榆次也官修而志 仰過余容貌疑然進退鬱然叩之語辭約而意誠始古

傳有之病加于小愈官怠于官成願勉旃以無忘為縣 為老氏之徒也子惟忍之為義有所弗堪而安之云耳 令之日可也至大二年已酉清明後三日書 以忍命其齊明德欣然受之以求言於諸公諸公固以 江左張明徳早歲失故業著道士服遊中州遇玄逸真 人於京師玄逸方以老氏之法弘天下見明徳悦馬乃 題道者張明徳忍齊

老氏之法以虚無為歸自然為宗宜無所事忍然其徒

次足四重白雪

中庵集

居巧食以遊甚者入窮山幽谷冒虎狼蹈虺蛇與魑魅 者其習必去父母奪妻子離巡人境刻刮世慮遺形而 也然則玄逸之所命者彼奚而取馬盖其窮達得失彼 虚無自然者夫如是舍忍奚可玄逸之所以命豈以此 不堪者皆備當而歷試過此然後無幾可以求其所謂 魍魉爭勝負醫草木以活凡寒饑恐怖愁苦詬辱人所 以其能教授以自給凡儒行益修顧獨未暇為老氏法 耶然吾聞明德本儒者雖其迹若此而於治吾術益專

端魏晉則鍾王擅其美麥唐則歐虞精其能逮有宋淳 待耳嘻若然者為老氏之徒數孔氏之徒數劉某題 欠に上り上に丁二頭 唐文皇與玄宗古法猶存其臣下在後漢則崔蔡開其 或者以章草起於漢章帝晉宋而下帝王往往能書至 徳之跡其亦寓之然乎則其所以忍之為取者晦而有 之道也君子不以跡而病夫道不得已寓之而已耳明 此異同變而不常者跡也其炳然常存而不可易者吾 題法帖 中庵集

同 其潭帖係僧希白所模世謂最得其真今於陽煦門前 鎮者刻於州廟故有汝帖絳帖潭帖大觀問又有閣帖 化間集為十卷刻之祕閣臣下登二府者賜之間有出 民家發堀出石本十卷上有希模字驗得係與潭帖相 翁文章事業重于千古今親字帖猶崑山片王光 國學士帖 跋山東憲副王成甫所藏歐陽文忠公簡韓

金分口眉生書

皆笑其荔支實無所似也僕言荔支似江瑶柱應者皆 東坡云僕當問人荔支何所似或曰荔支似圓眼坐客 次包里在馬 識遠意得而達於理者能之東坡荔支江瑤之說子美 游云似司馬遷僕喜而不言蓋與曩言會也物固有類 撫然僕亦不辨也昨日見畢仲游偶問杜甫似何人仲 價叵測可不謹藏櫝中邪 同而異類異而同者在人亦然若知其異同之所在惟 題東坡喻荔支似江瑶柱帖 中庵集

若不可測徐而察之規絕脉絡皆不失其正而盡其妙 非其天得能至於爾耶覽者以是求之可知也 谷此書盖率爾所出字僅三十餘縱橫變怪使人眩惑 子長之喻夫何疑公之書傑然自為一家徐校之諸 凡技必學而能然非有天得之性雖終身學不能觀 之善脩所謂識遠意得而達於理者斯又可以見矣 題山谷發願帖後 題山谷帖

次定四車全書 題 書多贋本如此幅者絕少子文實惜之子文雅嗜書故 不善否則非體矣山谷之書筆勢現異卓然自為一家 伯航子文持山谷所書發願文徵言余謂字書無常體 云大徳丁未三月既望題 而與大蕪老米並驅爭先誠得其理而達妙者也然其 而有常理理者妙之寄也茍得其理而達乎妙則體無 藝耳的學者皆能之然求其得法而盡其變化卓 題山谷帖後 中庵集

察之無一畫之違於理嗚呼可謂能盡草書之變矣雖 谷此帖浩乎如行雲條乎如流電如驚蛇如游龍意態 然非其骨中貫之以天下之書而充之以浩然之氣則 横出不主故常當使人心動目眩而莫知其然也静而 然有成以自立於世者盖百年之間僅不過三數人而 亦安能至於是哉世之工書者嘗試以是思之至元乙 已諸帖之行於今者可考也吁書亦難成矣哉今觀山 酉六月朔題

守户指曲折盈縮之度必皆與準絕合所畫雖甚小 凡畫官室既極其雄傑壯觀形似之妙其表裏上下楹 題蘭臺宫圖後

較之與巨構無異故比他畫為尤難昔尹繼的郭忠

恕號稱敢工爾後罕及馬陽丘間信道示子楚蘭臺官 圖觀其布置整嚴筆意精緻雖不能必其主名知其為

十餘言方不及寸許尤為妙絕然恐是一手信道宜珍 近時佳筆得法者也旁有細字書宋玉風賦凡四百五

· 首善其末而遺其本非畫矣二者必無得而後可以盡 藏之至大已酉四月既望中庵題 其妙觀子昻之畫馬信其為無得者數原注延枯丁己 凡畫神為本形似其末也本勝而末不足猶不失為書 中庵集卷十 跋趙子昻畫馬圖

とうらし パルラ 並進选出由是罷世侯更制度混一區夏臣服絕域典 欽定四庫全書 復其家民之從學者復其身中統至元以來通儒碩才 國家以神武拯斯民以人文弘治道凡戸以儒籍者世 中庵集卷十 記 號記 濟南府學至大四年大成至聖文宣王加封聖 中庵集 劉敏中 撰

多分四月石書 紀其事於學今年春三月聖天子即位詔內外學校廢 成至聖文宣王播告天下又三年省臺檄令在所勒石 於那邑廟學一新紅誦之聲盈於鄉井皇風烽些郁郁 故肅政庶訪司治於此資善大夫遥授中書左丞廉訪 弛者监察御史肅政廉訪司糾劾凡以崇人文謹成憲 章禮文之懿罔不備具元貞大德重熙累洽自京師達 也濟南介齊魯問於今為劇郡為總府為東西一都會 乎治與古比隆矣大徳十有一年七月制加孔子號大

勒奉議大夫僉事董壁徵仕即知事馮徳相與言曰在 事石具府知事即律行簡學正李克允再抵繡江致廉訪總 今吾屬以與學為職是邦孔子聖號猶未紀不亟圖如 年加元聖五年改至聖我朝大行皇帝加大成竊惟孟 學何而總府益當有成議未暇也至是益警懼奔走從 使阿都古齊朝列大夫副使韓中奉議大夫於事成格 開元二十七年追諡孔子文宣王宋真宗大中祥符元 府命以鄙述見屬某郡人不得以淺陋辭謹按唐玄宗

欠己の自己的

中庵集

哉斯不亦大之大也歟天地生萬物聖人成萬物開闢 **想也若夫截然而四時行蠢然而萬物生無兆联無聲** 金石口匠石書 臭無端倪其所以變化斡旋綱維主張者可得而窮乎 窮大之大者也天穹窿於上地旁礴於下大矣然猶有 而下聖人繼作二帝三王之世其道大矣然猶有待也 夫小大之相形固也然小有盡而大無窮大而至於無 子集大成之言謂孔子聖徳之大成能無夫伯夷伊尹 下惠三子之聖也今即大成而言之抑又有大者馬

**為發而為事業所謂彌禹彌堅瞻前忽後奔逸絕塵者** 益克待舜舜待禹禹待湯湯待文武周公文武周公待 矣孰能知其所以然而然哉逮夫剛定繁作而後人始 孔子周良大道媳禮義無所措萬物不得其成而孔子 **晓然皆知如是而為天如是而為地如是而為君臣為** てい しょしいい 不可為亂為治為亡為存於是堯舜禹湯文武周公之 父子為夫婦昆弟朋友如是而為善惡為吉凶為可為 生孔子乃獨刑詩定書繁易作春秋當是時也聖徳之 りをま

多六匹库全書 紀於前以孔子握大中判得失於後而三才之極萬世 道炳然矣意者天地之運以堯舜禹湯文武周公肇人 

之所以崇奉吾聖人者其可謂至也已矣嘻凡任持憲 之準於是乎一定而無所待益孔子之道也其曰成馬 長人之責皆能機倦馬昭威典宣聖化傾至如是則見 者可得而窮乎哉斯不亦大之大也與以是觀之我朝

長育文明之澤而涵泳升平之樂誠千載一時也傳稱

民從吏畏善俗日與使玄髫青於之子黃髮鮐背之叟

大成至聖文宣王播告中外今敗邑將勒石廟學庸示 教諭馬某即某言曰先皇帝嗣位之三月制加孔子號 齊東監縣特點齊縣尹孟遵道主簿張德林縣尉王佐 **邦其永孚于休者不在兹乎嗚呼盛哉** 於孟子發於聖制者備矣至矣兹不敢養姑特以吏治 永久念歲月不可不謹願有述敢請竊惟大成之義載 之切於得失者言之雨澤之降無間彼此而樹藝有祭 齊東縣學至大四年加封聖號記

KILDING AIRIO

中奄集

俗雖美尚其吏治之不足則王政格而巧弊生治且為 惡吏有以善其治則王政治而碩鄙革不治而至於治 遠近而方邑有治否之殊者俗或有美惡也然而俗雖 則雨澤入而膏潤作悴可以為祭地雖腴茍其人力之 悴之異者地或有腴瘠也然而地雖瘠人有以致其力 王政之被俗無美惡吏治善而方邑無不治我國家以 不治矣故雨澤之降地無腴瘠人力致而樹藝無不榮 不足則雨澤費而無穢熾祭且為悴矣王政之被無限

金分口月石言

**垻箎之相龢耳目之相資也治不既善矣乎今其聖號** 好下甚渙然交孚若是齊東之治譬則因陵為高由堂 之勒盛典之立也以既善之治而臨既美之俗固将究 尚義長老有敦朴儉勤之範子弟有講學經誦之習俗 潘之邑其俗稱美者齊東其一也邑小而民阜貴禮而 神武一海内以人文化天下聲教攸暨罔不咸理而東 聖人之大道宣朝廷之美意推擴之鼓舞之然思之上 不既美矣乎而監縣縣尹而下謹於約身公於利民如

שובות והו בינות

中庵集

多好四月全書 適與耳夫不易且避乎嗚呼廣大混融與天地同流為 先皇帝始嗣位制加孔子號大成至聖文宣王頒示天 吏之責也嗚呼凡任長民之責者可不慎乎哉 法於萬世者聖人之道也尊聖人之道示教於天下者 天子之政令也行天子之令使其民同歸於理者長民 子去疾以鄙述見屬竊惟大成之義見於孟子之書孟 下濟陽將勒石廟學其屬介邑儒故內翰損齋楊公之 濟陽文廟加封聖號記

集衆音之小成而為一大成成者樂之一終書所謂新 韶九成是已斯益大成之義也嗚呼大成之聖不可得 而名乎哉雖然其曰小成大成云者推而求之猶有説 馬是知里人之為道天道之同然也道與天道同可得 之時孔子之謂集大成而有金聲五振條理始終之喻 子謂伯夷聖之清伊尹聖之任柳下惠聖之和孔子聖 而名矣孔子曰予欲無言天何言哉四時行馬百物生 朱子釋曰孔子集三聖之事為一大聖之事如作樂者

改之四重公書

中庵集

成而大成也然則大成之義庸有既乎國家列聖相承 那則一 治由一 武威慘八絃文德治六合京師盛辟雅之制闕里崇祠 白りロノノニー 祀之禮登賢翊善點伎夷愿皇風清諡融融熙縣薄海 大成也行之一世則一世治由一世而至於萬世治小 則夫子可見之道也夫子可見之道行之一身則一身 馬二帝三王之典三綱五常之要載諸書傳諸萬世者 一邑一郡治由一邑一郡而至於天下治小成而 自用至於一家治小成而大成也行之一邑 卷十

始不以與學獎士厲風教是急其聖號之加也天下之 外內學校林立然猶德音屢降給古选出丁寧怨切未 禮義之俗號稱易治繼令以往可以親武城之弦歌而 其至如此嘻奉朝廷之義布之政以及於人使其治由 小成至於大成是豈非長民者之責歟濟陽邑齊魯間 欠足四重人馬 應夫虞韶之九成也邑大夫惟勉之 人抃舞道路改觀相慶咸知朝廷所以重道為民之意 章丘重修大成殿記

金グロルろう 邑山澤之交土沃而物饒其俗廣而不肆厚而易教治 矣茍其祀之或怠是怠其道也怠其道如治人何章丘 之所在有以陶冶漸摩而必至於善然後治人之责塞 近者其祀宜益嚴其道宜益詳益将使人晚然知其道 祀夫治人之道也若其邑則又治人之近者歟治人之 事孔子之禮由京師達於天下郡邑之治人者一其紀 孔子之道治人之道也六經載馬而治人者施馬故其 人者可以有為矣而其所以事孔子者顧未至有堂馬

力之眼部工度材易堂以殿逐其中峻其基崇其境規 とこりうころう 堂起齊含為庫為厨而兩無七十子之居一其完之既 大名尚君某嗣其事逾謹而監邑君濟南和羅海及廣 制之雄十百其信益粮棟始敷而君以代去於是今尹 治人可知矣元貞改元之冬濱人趙君去私寔尹故己 偷狹庫陋無以嚴大聖人之祀累政因襲益莫之省而 莫謁之際喟然數曰是烏足展吾敬而行吾教乃因民 平張君果簿益都曹君果力相其成馬又以餘材新講

中をま

一油然於中矣實大德辛丑春三月之吉鄉秀尚允中以 成尹率係屬師生奉像設妥其位行三獻之禮以告則 多分四月全書 舞咨嗟相謂曰大哉聖人之徳也其向化遷善之心益 容而盥薦有加度馬邑之者产壮雅則皆瞻貸改觀鼓 陛字廓然神靈肅然尊洗豆邊秩而堪然益降登有餘 以祭況於祀神治人之道者又可以後於禮乎雖然既 衆議來京師請敏中為之記敏中邑人也而曷解嗚呼 一朝之崇庫在聖人固不足以損益益禮不備則不敢

哉其亦曰如是而孝如是而悌如是而忠信如是而禮 備其禮矣嚴其祀矣而所謂陶冶而斯摩者果復何如 義應讓如是而善如是而惡悃悃馬數宣而告之警懼 備為之書將得而徵馬且以給夫來者庶其濟美而不 有司考其能塞治人之責者其敢後吾二三君子哉故 事日以醇民俗日以新而事吾聖人之效驗見矣異日 而已耳二三君子尚有以致其力馬其若是吾知其政 而導之導其始而要其終為防而待之其弗率者齊之

欽定四庫全書 已云 卷十月

修縣創建廟學記

右人文謹風教也唐始令郡縣廟於學祀孔子而學益 三代而下自天子之都至於國邑黨遂莫不有學所以

重矣我朝以文治致太平故廟學之盛所在鬱然近古

故不復設其已久矣大徳十一年趙君徳謙尹修既視 未有也終治景之郛郭有教官而無學益以廹州學之 事嘆曰修劇縣也而學不設則教官何施吾治何資馬

未周而丹碧煥然象設儼然矣廟之左為學凡師生講 鎮者民居阜繁為修名鎮古謂之仁風里先是里儒郭 約而會於是為大成殿為神門為講堂為厨為垣歲益 捐俸戊工厳事益地度材而好學悅義輟已為助者不 淵暨其徒為文會講習因營隙地為室位孔子行釋菜 吾且視吾境學可為也州之東北四十里許有曰孫家 野人之力不足大里人居令尹大之吾屬之願也君乃 之禮趙君一日過之喜曰是可以立吾學矣淵等謝曰

次足可事公馬

中度集

**築驛逐也而行者免往來之艱其新公解也而吏民起** 威嚴敬畏之誠至若抑豪右懾暴姦使民痛無所作旨 子弟無惰游之患其修河防也而居者絕墊消之虞其 之至其創廟學也而吾人知禮義之勸其課農桑也而 年夏六月仲恭持事狀謁余繡江致修人之言曰吾尹 者皆曰乃今見吾修縣廟學也莫不駭躍瞻聳相慶今 肄寢處之所罔不備具教諭臨邑季仲於實主之而觀 尹之惠也而廟學為大願得公之辭紀諸石庸示永久

守長皆所以待天下之賢才而與之共理者也故爵命 服物采之盛所以示其貴公宇居處之泰所以明其尊 品秩之數所以正其名禄廪奉養之給所以代其耕章 益熊人才傑士也余識之京城云 本良吏之政而與人之言也可不敬書遂書趙君名思 且為我修民慰他日甘棠之思敢請余曰嘻斯風化之 天子以至公謹職官之制由師保六卿而下至於方伯 濟南路總管府新署記

久足四事公生 一

中庵焦

簡以苟歲月使下之人視之淺如無以起故仰畏服之 彼所以獲此者是誠賢於我也是誠能任斯事而長於 往往視公字如傳含乃或闕而弗舉廢而勿修安陋就 之政出矣又将使天下之人觀於彼者亦有以自思曰 事而長斯民也於是自重之慮深奉職之道公而忠利 兹其為制不既公且謹乎而世之仕者徒以更代之數 我也於是凱舰之意消畏服之心誠而和易之俗與矣 凡為此者豈非以我為賢於人也豈非以我為能任斯

訪矣府事則移於儒官遷於驛館僑寓無寧所者殆十 政因之至元六年始置監司馬益曩為提刑令則為康 濟南總管府舊治國初郡侯張公因宋金故基所築後 心褻慢弛肩而為茍且甚非所以為自重奉公之道也 左復阻以委巷蔽以民間偷陋湫隘無以稱大邦君之 中順大夫總管噶克察公始下車覩而傷之獨既然有更 餘年總管楊伕安伕始相繼管隙地為廰事於監司之 居人情理鬱公私病馬速兹又五終更矣三十一年秋

次至四年入野

中庵集

之右公帑囚盧附於側馬材因其舊而用不加費民役 哉徒察耳以更吾府其愈乎又謂歷城治西城之外録 賔署吏廉咸位而序以録司居外門之左 城居外 於監司以聞於朝廷乃定徒蔵事撤舊布新大廳門墙 朽剥莫或顧者其地則遣黎生之垢惡歸馬公曰嘻廣 司混莊嶽之下因遷而一之可以便事既謀於同僚言 新之志越明年政成咸豐乃諮乃度得東隅故倉馬倉 為二區北區具完出納足矣南區勿用寂寥歌危推壞

金少口万人二

大きり上上に上す 一 毗之聽事南立而報可之命下故卒能有成如此嘻易 以時而人不知勞其規制無草率之随無華侈之僭期 動衆殆不可乎公弗奪為之益堅然監司是之同僚贊 然以謂此庾雖廢成蹟也今署雖陋苟安也乃爾廢置 闔府僚佐咸為公請文以記其事方役之與也衆議詳 於宏敞隆壮而已實經始於元貞元年之九月告成於 削之細皆其指授既成吏民拭目瞻竦以慶以雖於是 二年之二月自即工迨訖役公旦暮臨視唯謹坊墁斷 中庵集


植絕 前沒 習後尊崇之嚴可屬因之以便而吏民由 無用而成有用之功去庫陋而即高明脱湫隘而登爽 **廢庾為大府化棄壤為要地由暫勤而獲永逸之利以** 庵集卷十 月者當自公始是宜書遂書之同僚者於左云 舉而數善得馬非賢而自重公而奉職者能 以往使忠利之政相承於上而和易之俗相

金少口几人

中庵集卷十四至

詳校官中書臣張虎拜 侍讀臣孫球覆勘

腾腾腾 繇録録 監生臣温生臣温 起廷 鳳盤增



金万四月 全書 逐如連厦可居有潭馬沿澄甘冽不溢不涸歲早轉雨 黑如側顏父老傅云異時民當懸入避兵西南石洞客 封順應使其一金皇統辛西南陽韓公美禱雨靈恵公 祠而不著加封之始其一國初濟南張侯新其祠募僧 雪輒應斯山之所由名而祠之所由立軟凡石刻四其 名天平東魏也其一宋元豐其年太守韓鐸以禱雪請 豁翠削萬似仰視天宇如堕壺中東崖半空有巨穴黯 一推剥不可讀僅辨者大魏天平四年 官爵四列亡其

守之觀此山之靈其來尚矣皇慶癸五夏早中奉大夫 府達魯噶齊布呼齊率所屬指祠期七日雨梅馬禮成 肅政魚訪使阿爾斯蘭哈雅 暨懷遠大將軍濟南路總管 **黃之與爾一新又以守僧無所仰給屢荒懈以去有净** 俟雨夜未半雨大降歲以又熟中奉念其祠字弊圯命 中奉謂懷遠君可留需而歸懷遠虔祝無夙夜未及期 歌定四庫全書 !! 僧曰洪貴乃名以嗣守為圖其所以自給者適洪貴來以 雨歲熟明年夏又早中奉公禱如前屬總管表太中某 中庵集

夫然後可以出雲雨以育乎物有司必正直而誠夫然後 克以為能猜禍以為才高下以害於公貪墨以濟其私政 皆如之而尚義慕善者多與之馬乃胥議買田若干部奏一 疏謁中奉欣然割禄康以先於是由憲屬以及轉運總府 山川實司之神民之托有司實任之盖山川火峻深而靈 於祠下府推李承直狀其事想余記夫雲行雨施天地之 可以感夫山川之靈而民得以頓其雲雨之庇也乃或掊 所以育物也事神庇民王者之所以有國也而雲雨之出

一 而不懼民因而弗憫水旱則循故事飾親敬以從山川 沃定四車全書 图 能人之所不可能者人必服馬知人之所不可知者人必 中奉公以持憲之寄表太中君以承宣之責連歳致禱神 宇以安靈創田時為久計則於事神庇民之道不既盡 應如響向所謂正直而誠者其素著可知矣矧又新祠 之禮若是者神固不答而災必不息嘻民之庇何望哉今 且遂乎是宜書故書 大聖院記 中庵某

去父母絕妻子毀形而獨處疏食而不殺若此者被能 法倡不可知之說以立教於天下者平夫仰而父母俯 之而我亦能之乎生而生死而死善而得賞不善而得罰 而妻子家居而肉食人之至情也而浮圖之法則曰必 閣關之中人之觀之者必皆奔走疊足翹首美嘆休心 希馬一介之夫為絕技奇巧說聞異辯以自當於通達 人之常理也而浮圖之說則口吾之道可以度生死消罪 而奪氣何者被固不可能不可知也而况設不可能之

火之り与した方 衲固然已院久弊當葬而其山皆石之材水土取山下 坦實居之坦於經律逐甚為苦行旦夕惟一食贏形取 之東五十里有山口采石山之與有口大聖院者僧智 深入法海者出而輔其教則人之嚮之不益宜哉歷城 果盛矣夫况於信能達空有明戒律由自苦利人之念 人所以風從景附報其所有爭趨競赴也浮圖之法其 可能故憚而服馬不可知故異而希馬嗚呼此天下之 惡增福而延壽若此者彼知之而我亦知之乎惟其不 中庵集

宜人之歸嚮也勉為之書 莫知所從好歲丁未邑僧德越毅然嘆曰是惟古名利 以為聖院之所由名也乞併記之余獨嘉坦能有實行 陽丘琉璃寺舊矣燬於金李之亂系派碑誌散落具盡 自唐貞觀問有僧號真覺者始居此山殁而多靈跡 難之聞者欣然輻輳願役輦土挽材荷水而上無幾何 二殿兩廳暨諸像設煥爾一新一日來求文為記且曰 陽丘琉璃寺與復記 卷十二

食いとしたという

欠之日日上上 請口德越經營此寺凡五十年其勤至矣同是勤者蓋 學者益至故徒衆之盛他寺莫比今越以寺之本末來 室以次而序乃書故號楊之崇門於是琉璃寺煥然復 為棟者九尋為東西無如其極而殺其棟之二常原僧 電爰啟垣墉聿與歲未幾何而佛殿親然蓋為楹者六 茶闢瓦礫埋坎夷阜鳩用户材信念既写施者響赴井 與矣越率其徒日夕持誦講說事佛唯謹既而教大行 不能復是忘吾教也吾其任之謁於有司許馬乃剪棒 Ī 中庵集

業聞我名號以我福德威力成得解脱其說云爾始之 時身琉璃內外明徹光於日月燭諸有情一切苦厄罪 來是佛行菩薩道時當作大願念言願我來世得菩薩 十殑伽沙佛土有世界口淨琉璃佛號樂師琉璃光如 金プロルカラ 名寺者取於此乎嗚呼是說之傳也久矣世之人靡然 付後人示久者非文諸石莫可敢以是託予見之佛書 西方有國口身毒有佛口釋迎年尼言曰東方去此過 法姪口行與法嗣曰行順行滋行印令益老矣念所以

欺我哉予惟佛之說是特誘人向善之一法耳彼方之 然即而求其所以教核之實則寂而不可得雖然佛豈 **豈非以佛之法果能校苦厄板罪業有所利已而求軟** 大とりら した 善而至於無有不善則所謂苦厄罪業將無自而至不 之設施則其向善之心油然生矣敌貪者思慮恪者思 來也見吾之戒律之嚴願念之大智慧之廣悲捨方便 者娟嫉者思正直而強暴者思柔良悲悔開悟日進於! 捨其所有施施行行惟佛之為歸者甚矣夫所以然者 中庵集

金分四母全書 請而為之記又以告夫來者使無忘其師之勤不以自利 是求之則佛之法能於利人也果矣而為其徒者宜思 幸而罹馬則亦不足以勝吾善救拔之實宜莫過此以 誘人於善者而致其利之之實以嗣其道以行其教斯 方便之所以設施勇猛精進念念在是以求佛之所以 徒以自利而乃無有以利人者宣佛之法哉予既重越 其戒律之所以嚴願念之所以大智慧之所以廣悲捨 可美苗不是圖而習其人之歸已也以為吾法之固然 卷十二

K 1.17:01 1.15 陽丘古名邑土沃物豐而山水之勝在邑郛田廬間出 都綱號淨行大師加號淨惠圓照大師至元 丙子秋以 沒四互隱若繪畫斯固幽人過客之所顧瞻而徘徊黃 月既望記 冠緇衣之所願留而寄跡也有尼口崇遇世女真始祝 干僧名至闕作佛事大殿人知其能云元貞二年秋七 而急於利人也越李姓大名人年十一 陽丘彌陀院記 中庵集 祝陽丘當為縣

動坑四库全書 負張侯先府君恵顏之徳志勿遂而沒我華宜何如哉 念翰誠誓成勝利上以祝釐天朝下以賴及民俗以無 深入法海一日謂其徒善聰董曰兹院之始我先師設 隅地贏三畝施馬崇遇大書彌陀院三字揭於其陽茨 徳將軍涿州尹張使亨先府君某時為監縣獨輟邑艮 遇功德内充英華外見一邑之人翕然敬嚮今致任武 髮於某地號彌陀師屬歲艱飛錫東邁悅兹邑止馬崇 而居之方圖為經管而崇遇逝其嗣曰妙玉謹於師承 卷十二

次是四事之号 一 普聰念二師之勤介縣教王思哲以院記請嗚呼佛之 道大率以斯世為夢幻能知夢幻者莫若心故因心以 作禮瞻仰美赞歡喜妙玉復語其徒曰今若是尚精進 墙為法堂為兩無為釋迦馬鳴菩薩有室蜀將軍有祠 弗巳則吾之志庻終有以逐乎無何妙玉卒而晋聰嗣 懈晨夕梵唄之音洋洋於外信善檀施日集踵來問不 衆皆曰力馬可也由是相與黾勉從事無計歲月為門 厨庫齊含次第具舉法相既崇戒律益嚴持誦祈祝無 中庵集

漏伙其名曰戒戒故能定定故能慧至於慧始能起正 伏其心而先其難者乃去父母絕室家變形異服疏食 而不殺苟可以泪我者皆種種斥去堅持密拒俾無所 之中而不能相出是可悲已於是思有以制其情以降 心之體靜接於物而動口情情之所向猶川决腳馳莫可 希欲棄而弗忍既去而復顧卒落落馬陷於貪妄水火 制樂故雖能知夢幻之所在而能不為彼之所泪者幾 求道道得而然後可以脫夢幻之域而成佛何以言之 火之日日上山 一 之道備矣嗚呼凡稱佛弟子者當亦有思乎思而至於 覺一空諸有攝諸法度一切光明變化無適而不可佛 馬其名長白聯亘南北巉然絕空逐鬱奇秀而中多勝 濟南大縣二口陽丘口鄒平鄒平之右陽丘之左有山 為之書 以苦行自修而徒益聚二師之道益宏能謹戒者也乃 斯其弗艱矣乎其弗甚矣乎余聞善聰蛇迹塵累確然 靈泉庵記 中庵集

綺殆又勝之勝者欺厥初道士鄭志賢有勤行能以醫 舉山之西偏半腹有庵口靈泉磴石盤紆品岫環合蒼壁 金以口匠 台電 樂濟人其師曰時政約政約之師曰韓志具號巨陽子 齊舍次第之後四旁耀畦干塍木果萬株萬下間錯如 啜飲浣濯灌溉不劳而足庵之所由名也泉少東口流 制立泉出甚冽清冷潺湲無舍旦夕匯而為池導而為派 **邸若會仙有臺讀書有堂醴泉有寺聚仙有觀莫可彈** 飛之亭亭西南曰三清之堂堂之背曰希真之室厨庾

安等念先師之勤以其庵之本末請余記嗚呼山之勝 與俗隔日惟桑禮誦祝躬播獲種植為事体体馬于于 止口陳道蔡曰張賢忠其徒僅四三人皆真淳靜虚邈 受學於玉陽真人志賢及王德安嗣德安弟子曰焦賢 馬一無待於外觀其為道蓋古之所謂自食其力者德 大者可潤三四尺而蠶經十五月即入荷中成鹽形如 又安之者益鮮矣庸夫野叟窮年山溪間漁採而已動 天地之所設也然親而知其勝者鮮矣知其勝樂之而

たろういところ

中庵集

多好四牌全書 斗自然五色國人綠之以織神錦故謂靈泉綠以下 號堅然子以道街重邑中堅然子殁弟子德淳嗣德淳 初陽丘道士有曰石先生者居通真庵女郎山南麓自 既濟庵記

窺五湖即衛霍遵海濱而北行祥熊趙之郊盡太行以

吾將觀馬於是由岱宗涉汶四西防高華敢終南浮江

始事堅然子生十有二年性剛介靜一不屑與世俗接

夕歎曰吾師往矣吾聞天下名山大川多異人勝跡

言曰凡與作有紀靈應未敢請願吾子記既濟也余疑 愈於堅然子矣語其徒口吾道以勤儉不懈為用頹弛 歸布襦草屬片影一身其去冷然其來沖然人之重之 たこりらいた 為石室居天地水三神馬茸庵其側以既濟名之揖余 為門墙為真武像別號靈應觀已乃又即郭西瑜再里 象陰符言食其時百骸理豈將謹烹飪時飲食以養其 無所事其可乎乃即通真之陽百舉武營隙地為祠宇 而問馬曰在易離下坎上其卦既濟解者以為炊變之 中庵集

金片四月在書 俞忽變化自消自息各成其成廓兮契·七同遊無窮若 息為水以冥漠為釜萬綜衆妙混犀有與之皷湯融液 為既濟者乎復無言余曰否則其将以自然為火以不 然無言余曰否則豈將事龍虎鉛汞之說淑錬吐納使 是而為既濟者乎德淳矍然曰之言也子爲得而知之 否則宣將化丹砂為黃金煉大藥餌之期飛界若是而 **坎離逆行以久不死若是而為既濟者乎又無言余曰** 體以利其徒以及諸其人若是而為既濟者乎德淳漠 卷十二

飲定四車全書 展 濟之任城神霄萬壽官女師所居也舊為神霄觀歲 記 業受之堅然子云至大二年已酉五月既望邑人劉某 已未師妙清始以州將蕭君請葬而居之妙清傳之守 共得十畝而既濟為六畝又半靈應可知已皆通真故 邑之臨清人其弟子曰道安申姓凡靈應既濟之地計 余口庶矣乎口庶矣乃書而為記德淳姓高氏字清甫 神霄萬毒宫記 中庵集

託者遂以其事走京師因翰林應奉馬君子敬脩撰羅 其徒其為我謀上有以侈先師之報下有以付後人之 秀以提點之號使根其官事實至元與寅歲也慧秀謂 **皆歲未幾何而殿廳一新儀像交輝道宏而徒益衆於** 君权達請記於子子惟道家者流學為老氏者也老氏 是用長教玄逸真人命易觀以言而如其名馬且假慧 於自修行髙而人益信凡觀字之內弊者以更闕者以 淨守淨殁傳之慧秀益能謹師承嚴戒律作於衆先苦 次定四車全書 周 復能之乎易稱坤至桑而剛至靜而方語女道也夫茍 之言曰大丈夫處其厚不處其薄居其實而不居其華 門甚者乃島棲野處衣草食木與麋鹿虎豹為朋傷百困 欲少私抱一守朴其究歸於無為而止耳而後之學者逐 又加愈乎雖然既口丈夫矣能之可也孰謂女子而亦 而不反吁尤難能矣若是者豈其與向之所謂丈夫者 乃去有生之樂割天倫之愛遺形以求其道竭力以張其 大約以禮制為薄而以智謀為華也故點聰明絕巧利家 中庵集

之陽十舉武有隙地馬因俯江流穹崖危絕有杏皆巨 記 凡女子之學為老氏者其皆剛方者乎慧秀之為也果能 能充其剛方之實則丈夫之所能者或亦可以至矣嗚呼 余既為含暉亭去含暉而北里許繡江之東壖余舊廬 不可矣乃為之書慧秀姓劉氏任城人大德士寅夏五月 出於此乎其若是則二君之請與予之從其請者將無 野亭記

**亂發如綺夾江高柳萬株住禽異為往來雅鳴俯見江** 由國子司業以病歸歷下今年春來繡江乃始治其地 其處顧而爱之曰兹於亭宜蓋志存而未暇也自去歲 脱則審騰谷頭干里一目早晏之際烟雲益奇皆當立 而止南山翳長林午隱乍見如翠屏見篇障間霜秋木 中将魚恒百尾跳躍上下可數江之西皆緑野盡西山 **斡憑其危駢據而立東則桃李襟卉問列南北加之春葩** 為亭於西偏近江故也既成坐其上而烟雲之狀山水之

飲之四華全事 夏

中庵集

和之以肆其真兹又野之野矣然而烟雲山水草木魚 接乎物則夫向之所謂烟雲山水草木魚鳥全馬而來 質則史質勝文則野若余者質之尤乎滋野矣合二野以 則日色外口郊郊外日野今為亭於兹馬斯野矣文勝 秀草木之縟繁魚鳥之飛躍則皆增奇益勝金馬而來 鳥與夫野翁皆悠悠馬自得相忌其野而不知野之樂而 集者皆野矣又方與野翁酌野杯為野談醉則縱野歌而 集若知有歸者馬余於是果知亭之宜也徐而思其名

たこうう しょう 李能之然則野之至莫如亭乃名曰野亭而為之記元貞 丙申秋八月朔書於壁 余知之余能知野之樂而不能集衆野而為一野之樂而 日劉某書 圖左目口江亭往來圖逐從之為江亭云歲十一月、 甫絶爱之乃手為此圖軸而見即且請以二謬作書於! 諸其壁頃常與邑宰申君仲和甫諸公吟眺其上仲和 余作二草亭以為村居往來将息之所咸以謬作誌 W/ 中電集

效諸子余使視之果奇而取之以四月三日引大車十 之矣大徳甲辰三月余歸自京師張君秀實為余言頃 古齊張君受益始發之其尤者蓋取其三馬而人知欲 行百脉南土中有石得其膚奇馬誌而取之未暇也願 陀不可種藝而其下多石然未有識而取者頃年居 繡江之源其泉口百脉去百脉西南七八里皆淺山坡 五牾以此凡二十里寡余繡江所居中菴之前隱然奇 太初巖記 卷十二; 次定四車全書 · 如魚鱗或口溜穿也其圻堮之應隅孔坎之渾圓左右 戲複唇疊膜宛轉如杯出其背衆寂貫之外達中空側 立點驚屬欲去且止矯首而視觀其左則頹落矣壁掩 互呀豁窺其右則熊虎蹲跪怒將搏入腹有大竅如側 觀也其色點如其聲極如其崇尋其廣厚半其崇其 顏而下右偏則所謂膚者有文馬隱隱如龜延如蛇腹 如具人紳士廣於大冠端嚴而立背視之昂藏突几如 重以力約之為釣者幾三百馬其狀正視之雄古嚴重 中庵集

焚之厄而有璧完之喜將復有神物護持之耶由結繩 者豈誠有意於此耶一受其成形迄於今之出卒無玉 其屬者總數寸當其附之左扶其王野其屬碎其旁石 而奇觀出矣嘻石頑物也而其巧問密如是始之造物 而比首其四旁皆大石附而不屬土周隙間宛猶肥胎 上下之顧择殆若人為然石之出也居土僅尺個卧 而必我馬是歸又其數耶皆其偶然而然耶告唐宰相 而後陵谷凡幾遷世代凡幾更雖強有力者曾莫之得

次是日本人上 方而於家山不以勢私而以天全非遠而奇不求而至 一嗚呼石雖奇而好異勞人甚矣今是石之出不於四 云相是役者秀實古齊孙雲子三張君暨余族弟仲寬 無好異之名無勞人之姨余勝奇章美復不知奇章之 奇章公嗜石玩之京都求於四方以江南太湖者為第 形於是四者石宜何居審視之宜嚴遂定名曰太初嚴 因取稼軒山思語語命之太初又曰拳戀嚴岫各名其 石與彼所謂太湖者果誰為第一哉或曰石不可無名

驛長趙君諸人也是月既望主人書 浸竹記

物之理無窮人之智亦無窮自兩儀之化三辰之運二

有常有變者理之無窮也自大聖之造大賢之為志士 氣五行之錯下而至於萬生萬物萬彙之別洪纖隱顯

通人之作下而至於一夫一婦之見精粗遠近有能有 有得有不得者馬余性喜竹嘗取竹浸之瓶旋視其葉 否者智之無窮也惟其智之無窮故所知不齊故其理

皆卷然而稿始未之恤也他日復為之復然乃異而歎 而不得徒以竹為必不可浸也久矣張西全子京監郡 曰凡葩卉至桑皆可浸竹復剛勁乃獨不可乎求其理 **聞知名觴詠之次以浸竹訪之子京曰易為耳乃起獨** 建吕受代而歸也過余繡江子京以王謝故家好事博 以瓶水取竹置諸儿前抵暮客散竹如故翌日弗改决 辰森然如生出而察之蓋皆竹之旁枝取一節斷其上 下懂留寸餘使横浮瓶中而節間小枝纔數葉而已徐

たこうき しょう

多次四年全書 為根並所以資節也今其一節之取水滋雨端則節問 笑口得之矣嗟乎空洞六合翕忽萬有覿面隅山淵反 若夫緊視侵取枝割而植浸節格而水不達葉多而養 小枝猶筍之在根葉少而養有餘此其所以森然也敷 思其理竹性中空而有節根並皆然筍生節間節所以 因有感馬古之人以竹比君子彼君子者挺風霜之操 手殊霄壤者多美奚獨竹哉理智之果無窮也如此余 不足此其所以卷然也數已而子京至以是審之子京 卷十二

接之以其禮則凌雲之氣必舒而為民瞻風霜之操必 彩雖殺身不辱非竹之向也遇我平及夫進之以其道 小石二其一得之東里尼福辨隆中而員外反復若一 所取乎余既嗟理智之無窮又感夫竹果有君子之道 顯而為時用非竹之今遇子京乎嗚呼竹乎信君子之 負凌雲之氣而進之不以道接之不以禮則必韜光匿 也書以遺子京為浸竹記 二石記

とこうこう 三

|動定四庫全書 若根括渾然徑寸有三分色緣白莹潤如玉其一得之 庸可盡乎延祐戊午季春三日誌於繡江北堂 在萬有中微之微者也而其異乃爾由是而觀物之理 也權其重輕均六兩又半胎然不相踰異哉嗚呼二石 以為遺一日友賢之石至並置之色狀圓徑莫能彼此 為在此為言其所從得嘆曰吾之石其斯石之匹數當 齊東張友賢初友賢過余見辨石几間驚謂斯吾石奚 中巷集卷十二